

卷之四

敬軒薛先生文集卷之九

門人關西張鼎校正編輯

律詩

夏日簡其羅陳張四侍御

長夏飛霜几硯清
公餘景物稱詩情
絲絲綠柳迎風灼
灼紅葵向日傾
憲度已應昭典則
官僚况復盛才英
運開五百時難遇
願竭忠忱答聖明

挽李處士

鶴去蕪城不可招
海天涼月夜蕭蕭
誰從載酒尋山寺
無復携筇過野橋
黃髮交游紛兩泣
白楊阡壠颯風飈
賢郎驄馬推恩日
定有鸞封下九霄

送林鄭州厚

報政三年足好音南歸五馬正駸駸一麾共仰重臨德累
試爭誇百鍊金芍藥有風成雅俗甘棠無土翳清陰郡齋
書永多佳思頻寄新詩慰別心

樓上

都門樓閣倚中天暇日登臨思渺然樹繞西山濃着雨地
連東海淡浮烟塵消綺陌填車馬香煖歌臺醉管絃獨有
道人清似鶴謾從華表記歸年

送王士悅浙江憲副

推轂年多老身冠分符吳越見才難橫金已覺新恩重衣
繡仍為故里還破浪樓船秋水闊飛霜憲節海風寒懸知

到處山川好行部應須次第看

歸到有感

連岡北下是吾廬幾載歸來覓舊居手種孫桐高院落家
傳喬木上霄衢喪亡已是傷朋輩凋瘵那堪甚里間獨立
秋風看秋色欲將心事問詩書

河汾逢王存紀叅政二首

京師一別幾經秋汾水相逢話舊遊柏府久傳名譽美薇
垣今見事功優典衣祗擬通宵飲投轄都無半日留又復
匆匆成兩地朔風何處送鳴騶

索居殊覺故交稀忽見同官老繡衣霖雨方看薇省作清
霜猶憶栢臺飛論詩欵欵傾壺蟻話舊頻頻剪燭輝壯志

未酬知己共相期白首莫相違

酬辛儼先生見寄

先生歸老大河濱三十年來信始聞
鄉北鄭公瞻舊德經傳邵學挹清芬
碧鷄傾蓋時雖久錦鯉通書意更真
見說門墻桃李盛不知誰占舜城春

示勝子

勝子行將至立年光陰莫使暫虛延
收心切要存天理閉戶常須閱簡編
玉不磨礪難作器人非問學豈成賢
汝親願汝為君子朝夕應須念此言

示京子

京子年今十七時青春正好力盡詩
兒童氣象都無異問

學薰陶始見竒道大必先行孝弟業
荒頃切戒遊嬉老來善惡由今日汝
父之言汝細思

示昌子

昌子今雖十歲餘聖功元自養蒙初
莫求俗輩梨蕪粟須讀前人詩與書
抄手出門毋浪感正襟掩卷要端居
汝親願汝身長日頭角崢嶸與衆殊

過郭林宗墓

幾經滄海變桑田孤塚常留古道邊
彩鳳自應鳴曉日冥鴻終擬沒秋烟
關河迢迢膺用隔江漢空茫擇信傳
千載有碑應不愧路人猶自識高賢

題張侍御貨魯齋

混純那堪七鑿餘紛紛巧智定何如壁完太璞應無價學
到希夷始似愚往哲每能存本領斯人有意篤詩書試論
質魯齋中事一唯方能味道腴

題何郎中卷

粉署郎官詔許歸都門祖席倍增輝九天光逐迴鸞鳥動三
峽雲隨盡鷓鴣飛慈竹滿庭浮曉色芳花繞戶送春暉一門
喜氣深如海萬里江流接帝畿

挽王庭遂處士

靜中應自識先幾尚迹際門識者稀野質早時經水鑑閑
身終老製高齋交術林擬論心又生死寧知與碩臺潞水
秋風樂苑月定從白鶴往來飛

挽舒大尹二首

江右風流屬老成江天俄復暗郎星文傳詩禮誇賢子遙
想儀刑律後生耆舊空悲當日社循良猶識昔時名愚知
斧星秋烟裏應有高人為刻銘

西風鶴唳楚天蒼憔悴儒林吊白楊花縣辭官悲暮景菊
籬歸老慘秋陽空餘舊佩銅章暗不及新頒紫誥香有子
秋官露寵渥豐碑行身發幽光

讀易軒為杜御史賦

風滿幽軒淨晚襟韋編三絕在追尋方看龍馬分奇偶又
見羲圖轉古今細草初生春遲淺芳花早落夜庭深畫前
有易君知否祗信堯夫最苦心

題靜學軒

書懸萬籟絕賢聲有客懸前味六經止水不波雲影見太
虛無翳月華明亭之自可觀人物擾之何由悟性靈誰似
南陽老諸葛草廬默識古今情

綵繡堂為張聰御史賦

山連滄海是金華華榜青林柱史家鶴髮每看傾壽酒鳳
城先已探名花斑衣舞遍三春日繡服裁成五色霞已見
高堂上須紫誥香名留取故鄉誇

送康僉憲四川提學

萬里長江萬里橋錦城樓閣倚青霄昔賢共說山川秀僉
憲寧辭道路遙擬變三巴成雅俗還將五教布新條好期

報政歸來日鳴珮金門候早朝

送高僉憲福建提學

天書捧出大明宮拜命南征使節雄舟解御河揚柳綠
經山詠荔枝紅七閩人士沾時雨一代文章復古風未
江山久留滯還期白首夢非熊

送彭琉僉憲廣東提學

儒官新出禁林中手捧天書按廣東嶺表只今瞻使節島
夷從此變華風霜隨白筆蠻烟靜馬過青山瘴雨空萬里
天威應咫尺五雲回首鳳樓重

留別院中諸友

幾年騎馬聽朝雞憲府追蹤愧品題散木自知非偉器青

雲何幸陟仙梯已逢盛世無裨補更接英僚惜解携便捧
天書天上去五雲回首是三齊

留別趙彬

知子于今近十年中間消息兩茫然寧知京國相逢處又
是都門惜別筵上苑榴花偏向日官河楊柳正含烟臨歧
握手無他語願篤清脩繼往賢

留別姚克侑御史

交情方斷昔人金班馬俄聞載路音郡邑行者東魯近衣
冠祗隔內臺深朝中鷓侶思同入海上仙山憶獨臨壯志
擬磨三尺劍分携寧遣鬢霜侵

題薛希璉耕樂卷

旭日初升布谷鳴春郊耒耜動春聲清溪引水平時滿綠
野為田望慶平田祖有靈開於歲天民何幸樂生成東阡
南陌相過處擊壤歌中春聖明

祇命山東

手捧天書出禁中又乘駟馬按山東炊烟荏苒連滄海曉
日熹微見岱宗已沐聖明新化雨乃瞻鄒魯舊儒風小臣
謬忝叨詢職願得英賢佐九重

遊靈山石寺

靈岩有路入烟霞臺殿高低釋子家風泐迴廊飄隊葉水
流絕澗泛空花青松閱世風霜古翠石題名歲月餘誰謂
無生真可學山中亦自有年華

梵宇深沈夜景遲
僧房禪榻果幽奇
竹鳴虛牖風過處
霜落寒岩月上時
紙帳燭光團白玉
石爐香燄靄青絲
紅塵馬首明朝別
只恐山靈解勒移

秋日靈山石道中

路入山門景便幽
高風不斷石林秋
照入霜葉紅於染
拂袖嵐光翠欲流
幾過野橋橫絕澗
遙從古刹見高樓
北峯直與天相接
更擬攀蘿到頂頭

寄李太守

會昌京華兩過秋
又從晦代望揚州
登清志操知五岳
為出中聲名覺子優
華館定閑徐榻
清池誰共李膺
州如何

十里音書絕不信
交游是白頭

題李廷珪金靈嵩洛漁樵卷

清門奕世古中州
洛水嵩山總舊遊
見說研雲開鳥道
還聞遡月泛漁舟
自趁柴關來鳥
羽以徒青雲伴
白鷗老去披圖思
往事幾回飛興到
林丘

松林書舍卷為李方伯題

四簷偃蓋碧重重
挿架牙籤落影中
萬谷驚濤滄海近
坐涼月雪山通
潤露瑤席霏霏雨
響像朱絃細細風
好結歲寒搜秘檢
莫教飛夢逐康瓠

題楊舍憲思親卷

惆悵高堂罷綵衣
空山回首斷雲飛
梧桐并逐秋風老
倚

竹園林夕露微紫氣天遙寫下疾白揚隴上鶴歸遲
有子情何以厭聽庭鳥叫落暉

題觀風圖

九重深詔遣星軺使者觀風郡國逢水逐雕輪隨地遠山
開錦障拔天高嚴城樹抄門初啓候吏花邊馬不驕萬里
咨詢皆帝力生民隨處樂耕耨

高唐道中寄李廷珪金憲

西來隨處問先生見說分符到博平
滿路風塵龍虎頻縱目一川烟柳最關情
白頭每羨丹心壯綠鬢誰知素節明
高論細聽應有日擬分華榻共春燈

與徐大參韓憲副同按部別後寄此

分符同出濟南城
柳綠東風並馬行
逸興細看花柳色
高談深合古今情
別來併覺新春暮
到處頻看缺月盈
絕似當年傾蓋者
更期樽酒話平生

寄孫韓二公

憶過春風十里亭
二君携酒玉為瓶
小桃正吐樽前萼
嬌鳥初傳戶外聲
如此風光留客飲
幾多懷抱向人傾
行臺此夕忽相憶
謾掩重門惟月明

懷李廷珪用前詩末句起韻并書于壁

擬分華榻共春燈
到日先生去博平
別鶴行雲那有迹
落花飛絮倍多情
空憐皓月明朱幌
尚自餘香裊畫屏
我復東西南北去
壁間留語候歸旌

次壽鄧郎中母韻二首

百歲星霜是永年七閩閨教最稱賢自期西日堪留挽不
言南山可變遷白髮已看封紫誥綠衣時後奉華慈故應
志節高如許贏得人間福壽全
秋霜勁節自年年誰似清門鄧母賢半世成家遭感愴一
生教子見超遷恩隨紫誥來華屋春滿紅螺泛繡筵青簡
上頭書次第香名各畱取古今全

詠新竹

知是乾坤一氣催滿林新笋迸蒼苔
抽梢漸欲侵雲漢解籜時應傍憲臺
已覺清風連座起更搖疎雨到窓來
相看盡日添新典白筆新詩為爾裁

樂陵道中

樂陵東去古堤長野水村烟共渺茫
遠海天空初過馬入田秋老未經霜
鐵冠十載心如昨憲節雙持鬢欲蒼
攬轡悠悠思往事趨朝曾對御爐香

長白山懷古

山迴長白重經過十世懷賢意若何
飯粥事空荒古寺讀書聲散暗烟蘿
中朝德業應難及西夏勳名更不磨
旬晚憑誰話憂樂相其清夜月明多

金臺送別為李進都指揮賦二首

絕將虎旅衛天居又擁雕戈出帝都
部伍散行秋野開旌旗斜捲暮雲孤
法系分闡封圻近扶柱連歌雨露餘
壯節

封侯應有日青雲回首是長途
虎將承恩出九重紫泥封帶御香濃離筵濟：都門酒征
馬蕭：別路風雄鎮行看滄海近歸旌遙指岱山崇太平
分闈渾閑事萬里封侯慷慨中

泰安州重寄李太守

去年岱麓題詩寄岱麓逢人又寄詩剖竹已當耆艾日解
龜仍及聖明時青山縱有歸來約黎首其如六後思愧我
年年持憲節涓埃無補欲何為

海上道中述懷

馬首東來歲月頻西歸猶及艷陽春風烟滿日溪山秀花
柳無邊雨露新四海甄陶明聖主萬家耕鑿太平民勅天

千古遺歌在每抱丹心戀紫宸

青州府迎詔

丹霄快覩鳳啣書春與天回心滿八區不獨山東扶杖聽還
應海內効高呼衣冠濟之風雲際花柳欣之雨露餘柏府
微臣瞻盛事載馳忠懇戀皇都

次黃仲芳韻二首

京華偶爾論斯文知是游心出聖門風度恍如瞻玉樹清
談藹若挹芳蓀薇垣三載時名大花縣多年舊澤存愧我
無能叨憲節同述職荷天恩

畿省分符重黑頭天官考績冠時流趨朝曉日辭丹鳳去
路西風躍紫騮自昔藩維求俊傑只今典禮尚虞周都門

此別須珍重還擬經邦贊大猷

送王秀才省兄歸京師

華下仕高秋氣多大明湖水落霜波山川風景今如此兄弟分携意若何憲府已應持玉節親闈長是近鑿坡明年二月春光好更憶金臺有鴈過

送李永年大叅致仕十首

四朝出入受恩多詔許南歸意若何路繞青齊騶騎遠水通淮海畫船過故園到日收禾黍別墅經年長薜蘿父老傾懷看白髮兒童佐酒發清歌

七十懸車去亦稀明時乞得捷身歸朝廷已自優黃髮鄉里無勞羨錦衣碧水細通裁藥圃青山閑繞釣魚磯江南

事之皆堪樂莫遣流年賞興違

歷下山川入畫圖西門帳別指征途已知聖代優諸老還似當年餞二疏歸路遠應經鐵柱名山行復見香爐江南江北相思處鴻鴈來時好寄書

黃甲聲名四十年薇垣粉署共稱賢方看薦鶚陞三事又乞歸身列九天恩詔近從丹闕降使車遙向碧山懸老景莫謾誇中洛江右風流也自傳

白髮明時老大臣封章幾上乞歸頻四朝寵覺腰金重三代恩霑絲誥新花發薇垣成遠夢潮平揚子是通津到家正值秋光好黃菊東籬有故人

已向明時早拂衣家山回首興如飛丹心老去聲名大白

髮歸來故舊稀幾處甘棠留畫省繞門楊柳蔭三台磯惟應
野老來爭席坐散沙鷗伴夕暉

聞道江南景物嘉薇垣有客正思家池塘夜雨翻荷葉籬
落秋香散稻花德舉高為清論重儀刑應有正人誇歐公
曾寫歸田錄好繼遺芳播邇遐

梁苑登科二十年乘駉頻與歲時遷忽逢先達青雲上已
是門生白髮前盛世澄清慚我劣明時歸老羨公賢追隨
冠蓋城西別心逐行舟入楚天

纔捧除書拜好官又承恩詔許南還入辭歷下山光遠船
過真州水面寬松菊未荒三徑在衣冠不改一身閑推恩
更有新鸞詔留與家門久遠音

邂逅東藩僅一年先生何事著歸鞭曾聞瑯嶼雲藏屋見
說清溪月滿船歸老會尋山水樂聲名下讓古今賢遙知
林下徜徉處猶起丹心憶九天

泛舟思親

天地無窮水自流髫年已侍二親遊中原道路曾驅馬江
漢波濤更泛舟孤藐光榮叨憲節音容寂寞闕松楸千思
萬想情何極自送飛雲到故丘

送夏布純郎中歸南京

雲路分飛二十年相逢鬢髮又蒼然栢基直指心如舊粉
署郎官職又遷北闕九霄瞻曉日南風五兩送歸船帝京
到日多佳興虎踞龍蟠入望邊

秋日東平道中

齊魯西風草樹秋，川原高下過東州。
道邊白鶴來華表，陌上蒼麟卧古丘。
九曲半應非禹迹，三山何處是仙洲。
經行俯仰成今昔，却憶當年賦遠遊。

過五道嶺

峯嶺連連接岱宗，路從絕頂度華嵩。
餘寒尚帶陰崖雪，爽氣仍飄霽壑風。
春入驛亭嚴候吏，雲隨憲節怪山童。
方巡每歲叨天寵，長見車書海宇同。

寧陽行基元女憶黃憲仲

曾憶飄然冥後堂，玉杯行酒夜何長。
新聲已覓隨銀甲，逸響還驚繞畫梁。
東道留賓能明目，詩郎豈友解齊裳。
到來

好景逢元夕，空向行基望月光。

沂濱書李公馬曲草令升公堂賦

魯城南畔碧溪頭，結屋藏書事一幽。
入戶日來浮野馬，隔簾波影漾沙鷗。
真傳已覺去年遠，大道還從六籍求。
聞說浴沂當此地，春風有約事追遊。

兗州道中

敷土名傳舊兗州，山川遺跡快追遊。
泗沂凍解波猶淺，兖嶧春回翠欲流。
野火碑餘秦柏國，闕宮詩頌魯諸侯。
懸知尼父當年志，夢寐思身盛周。

和壁間虞伯生阜字韻

中書幾卷賞城毫，畫日抄書木覺勞。
但得文章如布帛，不

須詩句比金膏厚死每慮苦與厚玄監深期碧漢高莫道
知音人世少有魚潛渚鶴鳴皋

送陳都憲鎮關中 三首

四朝風紀受恩深又見西行捧德音天上神仙知暫別
關中父老喜重臨戎門部伍清河曲地遠桑麻接華陰到
處行其德帝關封草還擬聲丹心

中丞齊鉞下青霄重鎮關中別路遙渭水樓船春解纜嶺
陵驄馬曉揚鑼諸軍共仰新旌節列郡仍遵舊教條息是
歸期應不遠朝元有約聽簫韶

九重深念及西人山鎮還頌老六一臣憲節入關隨爽氣
書行郡布陽春山連玉井晴飛雨地接金城迥不壓經濟

本為儒者事功成還擬重麒麟

送金都憲鎮寧夏 二首

大夫承詔出皇州西夏山川是壯遊笳鼓盡迎新憲節風
霜仍肅舊貔貅久知河隴諸蕃靜又見崆峒二麥收總賴
廟謀清四海不煩樽俎借前籌

西行紫誥帶新泥葱嶺河隍入馬蹄列鎮久應烽火息連
屯惟見稻秧齊遠通貢篚來天外直布皇風到海西萬里
成功歸有日青雲滿眼是丹梯

送盧都憲鎮守寧夏 二首

明時出鎮得才難莫厭經行萬里間玉節初辭青瑣闥霜
風先到賀蘭山關河控帶黃塵靜蕃落耕耘綠野閑入觀

天顏應咫尺不須頻看寶刀環

同年於我最相親憲府乘驄邁等倫正是趨朝承雨露
又看持節出風塵山川迢遞行時舊旌旆德揚到日新暫
撫西陲歸有口看花頰及鳳城春

出京師二首

孤臣泣血省愆尤詔釋羈縲出鳳州滿目山光迎馬
首一鞭歸思繞林丘罷官已是安時命報國空驚不自籌
遙想到家春已暮麥黃蚕老稼盈時
又知樛散是非才世載超遷厯寺臺松栢每期冬雪茂杏
花不逐艷陽開數莖白髮還禁老一寸丹心未覺灰此日
為農歸故里河汾歲晚興悠哉

患難中海昌李太守數書問及詩以報之

知己情深數寄書問吾行止近何如買車已上山西路結
屋還依水北居樂意不忘耕簡秩生涯祇擬付耕鋤感君
交義高千古遠道何由致報珠

步朱尚實送行韻用以留別 二首

一枕邯鄲夢已醒歸鴻千里拂高真心期皎日均能許歌
檀陽春我獨聽別去莫攜頭並白相思終是眼長青河汾
故里遺風在爭似當時續六經
驛路春風酒半醒雜情花思兩冥冥穿林乳燕深深去傍
柳流鶯細細聽官渡已過練水碧家山又近太行青龍門
舊業應如昨樵谷漁磯取次經

晚翠軒為楊大參賦

高人雅有歲寒時，晏傲華軒寄遠情。最喜竹風當座起，絕
憐松雪近人清。年來勁節心能與，春去鮮華眼不驚。若此
秋香還共美，擬從良史傳佳名。

春日遊禹門

野服歸來野興幽，十年仍遂禹門遊。崖迴曲路通危峽，
東洪清瀉急流樓。結飛甍臨絕漢宮高，華榜煥曾丘鄉人
未必知神意，怒管啁啾聒未休。

哭少子治

患難歸來始自憐，悲傷何事又相煎。一經頓爾傳先業，二
豎嬰人殞少生。遺卷下悲尋舊墨，荒岡恐復見新阡。傷心

問寢寒齋夜，鴻鴈行中訝失聯。

題李麟惜陰卷

連城自古出藍田，還道驪珠在九淵。勤苦方能求至寶，放
情未必得真傳。案頭每見秋螢聚，窓裏常知野馬懸。年少
惜陰真可畏，老子鬢髮已星然。

用舊韻酬海寧李太守四首

問道先生近著書，高懷雅興迥難如。蘭蓀九畹誰向采，竹
種十竿自可居。溪水每從晴後釣，山田多向雨中鋤。慇懃
遠道裁詩寄，絕勝驪龍頤下珠。

焚香終暇即披書，老去無能得自如。青簡尚尋高士傳，白
雲還似野人居。秋風嫵子晨供織，細雨兒童晚荷鋤。道不

遠人真可樂何須象罔索玄珠

四千里外一封書縱有瓊瑤報不如雲水當年思共步
川此日已安居霜前束熟從人打兩後葵荒欲自鋤白雪
調高知和寡強將魚目比明珠
五馬無勞事簡書一生行止自如如冥鴻有意隨高逝野
鳥忘機伴所片千樹黃柑應自種一窠青草不須鋤門臨
滄海秋先覺長身寒光谷曉珠

立秋日

雨晴新漲落汾黃綠樹風生戶
痛涼後馬空蒙
雲道間
蟬還喜是吾鄉
木黍東臯近
雲霞北嶺長
有酒
便堪消暇
川流年不替
異成雷

題馮處士卷

忽從書雜見真淳誰道今人不古人
四禮毋宗朱氏教一
門長接孟家鄰
椿庭時兩年潤蘭砌
光風日新青簡
會須書行義高名直與董生親

次何舍憲自學韻二首

阿閣梧桐第一枝
朝陽快覩鳳鳥時
西江才學推虞集
北
斗聲名仰退之
直道敢拋君子志
中情還有正人知
青
誰似霜臺栢
聳聲高霄更有期

天衢早歲躡仙蹤
金榜紅霞絢海東
陳策漢廷推董子
明
刑司寇數蘇公
一襟氣與秋天香
千古心涵曉鏡空
兩見
名藩持憲節
清霜隨處踏春紅

無題

浩浩滄浪水自清曾聞漁又扣舷聲四知稀復思揚震千
載誰能慕屈平得失真如鷓鴣高低應似鸞嘲鵬何當
挽取天河水一洗人間兩眼明

立春日

臘盡殘年冉冉過又逢春日興偏多故應節序經千古自
信行藏老一窩生業任教纖手送新醪微覺寸心和乾坤
俯仰無窮意閑對東風一放歌

絳守王汝績新學詩以美之

先生為郡冠諸公興學由來有古風青史無勞梅衛諷黃
堂今復見文翁化行古水弦歌內道在金臺豆中老我

河汾遺教遠相思應與此心同

次林文載大參韵

歲暮相逢晉水頭清宵剪燭話同遊齊名黃甲風雲間接
武形地寵渥稠宦達子應思致澤退閑我亦樂歲備如憐
出處十年事惟有儒門道德優

對雪

雲母四對寂無聲大雪通宵又撥明在月已應知皓潔穿
簾時復聞輕盈凍凝水底蛟龍蛰飢厭庭前鳥雀爭高卧
不妨書合吟此心元有歲寒盟

久不作詩偶賦

案頭彩筆倦長吟陡覺詩情動不禁湖海盡除當日氣田

園深稱老年心種水已自連東珍栽涼還應滿北林汾水
晉山無限好擬逢清景更登臨

秋日

窓戶涼風似水流河汾八月火鷲秋寒蛩嘒嘒鳴何切社
燕翩翩去不留飲水雞期前聖樂乞播德免昔人羞求田
問舍安吾老不羨元龍百尺樓

謁伯夷叔齊廟

萊祠古祠首陽阿再拜仁賢感慨多樓設一堂還儼雅章
封雙塚正嵯峨心行兄弟難離節力挽君臣欲逝波世上
爭名爭利者高風未泯此二公何

過汾陽故里

名與臨淮往日齊城郭今過華山西參天老樹萊祠在遍
野新蕪舊宅迷將客不須窮玉籍王封寧復數躬珪中興
唐室如公少回想思賢首築低

過寇萊公祠

功業漚淵冠宋朝古祠松栢晚蕭蕭儀容不泯鄉人崇魂
魄何須楚些招忠義垂聲千古在奸詭遺臭幾時消老子
持節無英計戀闕思賢首重搔

華山

馬首嗟峨見華山三峯削玉最高寒層陰襍接黃河水秀
色衣連紫氣關只有烟霞生澗谷總無塵土殿羽林西還
更與山靈約擬上雲梯仔細看

溫泉

唐家天子愛溫泉故起離宮綺嶺前
山上朝元金作閣苑中湯井玉為蓮
錦鳥曾泛當時水香木頓浮舊日船
賜俗未終鞀鼓動管池留恨自年年

華清宮

天寶承平柰藥何華清宮殿鬱嵯峨
朝元閣峻臨秦嶺羯鼓樓高俯渭河
玉笛長飄雲外曲霓裳暫舞月中歌
抵今惟有溫泉水鳴咽聲中感怨多

馬嵬

號令風行遍九州六軍何事此淹留
深情祇擬乾坤久絕寵寧知咫尺休
劍閣西行山寂寂渭河東去水悠悠
路遠

三尺妖姬土長帶千秋萬古羞

連雲棧道中四首

陳倉西入一門來疊嶂層巒次第開
百折長途般輩平嶺千尋危棧接青崖
倉々雲木鳴山鳥决々溪泉瀉石苔
持節未應辭路險會清蠻徼凱歌迴

莫道西行蜀道難老來深喜縱遐觀
山從太白連岷嶺水繞嘉陵出散關
石積層崖知地厚路登絕嶺覺天寬
驅兵過此思諸葛大節長留宇宙間

重疊峰巒掩映青不登危棧即溪行
氣備三月山蟬吟境異千林杜宇鳴
寒落人家多板屋蕭條郵舍盡茅亭
因思唐帝西巡日中夜何堪雨打鈴

總角曾從蜀道行
今來鬢髮已星星
不勝愛國輸忠念
無限思親感舊情
林外最嫌鸚鵡舌
耳邊偏喜杜鵑聲
驅馳萬里心何憚
但保秋霜分義明

諸葛武侯塚

丞相孤墳何處尋
褒城西去漢江陰
青蕪漠漠烟橫野
翠柏蕭蕭風滿林
尚憶出師當日表
空歌梁甫舊時吟
中原未復星先墜
長使英雄慨古今

諸葛武侯廟

武侯遺廟漢江南
喬木森森雜翠嵐
義感居人猶致祭
名聞過客亦停驂
運謀圖陣曾為八
遺恨山河尚是三千載
英雄今已矣
古碑重讀意難堪

漢中寓目

匆匆行役敢求安
鞍馬經時歷險難
此路終過九折坂
揮鞭又度七盤山
行當絕頂知天近
水盡層崖覺地寬
却喜漢中頻在望
一川風物自閑閒

漢中寓目

谷盡褒斜覺眼明
漢中如掌一川平
封疆日昔多吞并
龍虎當年幾戰爭
英雄築壇真曾拜
將忠臣計賊雋也
兵雄豪一去無遺跡
惟見山高水自清

蒼溪

少陵詩裏見蒼溪
今過蒼溪日欲西
駐節驛亭天色暝
維舟江岸浪痕齊
風林疑有於菟嘯
雲水時聞杜宇啼
橘柚

過時黃不見，峯巒依舊翠高低。

閩中

閩道閩中山水奇，今來始得一見之。長江茶帶碧，浩渺遠
峯環繞青，參差竹樹茂，密塵不起，天宇空闊，雲自移錦屏。
近郭最明秀，佳句還吟子美詩。

鹽亭山中

丹度嘉陵見錦屏，西行幾驛到鹽亭。好山最峻連峯秀，佳
水偏憐古柏青。老志不及方寸赤，遠遊寧快髮毛星。休誇
諭蜀相如嫩，干羽深期舞舜庭。

送李介部經界救播

五月梭船發錦江，中丞斧綫靖凶邦。一天勝氣隨龍湧，

千里長風捲繡幢。定有奇兵擒孟獲，不勞飛將斬王雙。通
廷恩信更須布，夷獠行看到處降。

與李都憲錦江泛舟

津頭打鼓發官船，泛泛清波散曉烟。岸轉漸移江上樹，艫
搖頻拂鏡中天。岷峨西北山重疊，吳蜀東南水接連。却擬
江亭窮勝觀，一樽談笑好風前。

錦城端午

錦官城裏遇端陽，好事常年憶帝鄉。頌扇不知三代暑，照
衣猶帶九天香。却看絕塞孤雲遠，閑坐空亭一雨涼。佳節
任從流轉在，丹心不管鬢毛蒼。

答徐廣文二首

三冬文史最精明發軔香名蚤已成政美有才逢治世却
慙無力吞昇平鷓鴣還擊三千水鷓鴣鷺終期一字行會面
幾何知又別高談不盡古今情
衆中傑出見才賢文采英英骨氣全傾蓋已知心不異談
經雅覺道無偏擬陳魯々天人策寧羨悠悠々將相權北上
有期還送別為君沽取酒如泉

發成都

夜雨朝來歇怒雷成都江上畫船開高低竹樹連村合遠
近峯巒入望來鼓枻易傷漁父志着鞭難覓祖生才烟波
好景空無限遠思撩人未易裁

納溪

節南來幾日留納溪小縣納溪頭市衢寥落人何少憲
府荒涼境自幽六詔雲山隨地遠三巴烟水接天流只今
溪洞猶多梗五月南征憶武侯

永思堂為賀太守賦

瀘川賀守孝心純一日何曾忘二親已痛音容隨化盡更
悲霜露逐時新情深易感無窮恨天大難酬罔極恩我亦
有親俱早世為題詩卷泐沾巾

嘉定

嘉州曾作少年遊納納乾坤五十秋四野不移山競秀三
江依舊水重流天高華夏風雲闊地入蠻荒草樹稠城郭
幾歸遼海鷗白雲今古自悠悠

題王醫士東白堂

繞見滄溟浴曉珠，俄看倒影上天衢。
丹爐夜火知全伏，藥室晨光覺漸虛。
野馬未穿窓榻陽，烏先照活人書。
在家早起君休厭，履迹朝來滿戶除。

遊青羊宮一首

青羊宮觀鬱崔嵬，遠憶函關紫氣來。
雪嶺地應通閬苑，錦城江自遠蓬萊。
萬竿脩竹生玄圃，三秀仙芝長石苔。
千古誰能識玄牝，只疑虛谷有風雷。

千年舊是青羊肆，今日翻為老子家。
金榜半天標觀閣，琅函滿室粲雲霞。
琪林紅落三秋葉，瑤圃黃開九月花。
有物混成人罕識，曾從真境讀南華。

諸葛武侯廟十首

萬里橋西有古祠，武侯遺像似當時。
孤臣只擬炎光振，遺恨猶非漢祚衰。
繞砌綠苔經雨色，滿林蒼柏冒霜枝。
祇緣忠義無今古，不泯邦人百世思。

茅廬枉顧即依依，猶恨當時見面遲。
文武才猷天下少，君臣契合古來稀。
南征繞見功初遂，北伐那堪願已違。
尚有錦江遺廟在，英名千古自光輝。

股肱漢室舊宗臣，魚水當年意氣親。
時節如逢逐鹿日，風雲還起卧龍人。
出師前後丹心切，討賊頻頻大義伸。
萬古英名天地在，叢祠長近錦江濱。

王佐雄才久已聞，叢祠今見錦江濱。
莓苔歲久漫碑刻，風

葉秋高打廟門每有孤忠興漢室可無長策定中原江山
離合寧非教成敗難將往事論

南陽躬稼似天民感激元因在顧頻初識樓桑親帝胄還
如白水舊真人已從荆益開王業幾欲咸秦掃寇塵曆數
雖窮遺廟在大名長與歲時新

一時魚水風雲會千載君臣祭祀同鐘鼓尚存當日廟江
山猶繞舊時官畫簷金榜蛟龍出粉壁丹青戶牖通割據
奸雄俱泯滅荒丘誰與酌西風

茅廬抱膝正長吟忽際風雲許與深草昧每存興漢計艱
危肯負托孤心出師表在垂天地八陣圖存慨古今欲問
祠堂何處是錦官城外柏森森

高視乾坤志未酬草廬長嘯意悠悠時才總附奸雄勢大
老還為漢室謀兩表曾聞辭後主三軍幾欲定中州伐功
未就皆天數錦里英雄古廟秋

赤精帝子真苗裔三顧茅廬起卧龍英雄論已知分鼎勢長
才欲試補天工絕聞遣使通江表又見驅兵出漢中禮樂
未興人已逝古祠松柏撼高風

乾坤不復有斯人間氣奇才絕等倫管樂規模難並駕伊
周事業可相親紅旗幾出褒斜道綠野還耕渭水濱時去
千年猶廟食英風凜凜漢忠臣

御書樓為吾昌衍恭政賦

古人書賜由中秘藏在君家百尺樓奎耀夜晴通戶牖芸

香風細散簪幽篇章總是天人學
函藏深為釋老善徒叫
黃金不須積子孫勤讀繼前脩

蜀中立春遣懷

世態炎涼閱已多老懷今日奈春何
一年持節金臺客萬
里通潮錦水波北塞已聞休士馬
南荒行復罷干戈時清
若許歸田里願和康衢擊壤歌

春日遣興

開館春深日正長
萋萋春草遍池塘
淡雲疎雨梨花白
暖日輕風柳線黃
讀易自能窮宇宙
賦詩聊爾記年光
錦城風景雖云樂
故里關心未可忘

北歸有喜而賦

駐節西川僅一年
北歸恩自九重天
非才豈敢妨賢路
無補空慙費俸錢
為客載添新白髮
到家還閱舊青編
急流勇退應難及
千載高風尚凜然

送杜員外歸省還京師

歸省西川未幾時
促裝又復上京師
榮親已荷褒封典
報國難忘雨露私
路夾山花開錦繡
棧接岷崖樹拂雲
霓遙知紫禁趨朝後
粉署從容日正遲

四

卷之三

七

書